# جيهان عبد الرؤوف علوان

# جَرِّة ألـم

أشعار بالعامية المصرية

صدرت الطبعة الأولى في أكتوبر 2018



#### بطاقة الكتاب

عنوإن المؤلّف : جرة ألم

المولِّفُ : جيهان عبد الرؤوف علوان التصنيف : أشعار بالعامية المصرية

رقم الإيداع : 14318-2018

الْتَرَفِيمُ الدَّوْلَى : 6-53-977-978-978

عدد الصفحات : 100 صفحة

رقم الإصدار الداخلي: 220

تاريخ الإصدار الداخلى: ( الطبعة الأولى أكتوبر 2018)

جميع حقوق الطبع والنشر محفوظة للشاعر، ولا يحق لأى دار نشر طبع

ونشر وتوزيع الكتاب إلا بموافقة كتابية وموثقة من الشاعر



ناجى عبد المنعم



رخصة مزاولة مهنة:58365 – سجل تجاري: -2017 / 13242 – بطاقة ضريبية: 35-01-572عضو عامل باتحاد الناشرين المصريين رقم 941 لسنة 2018 هاف:0120254372901 - 01116202218 تليفاكس:020554372901

💶 💟 alnilwaalfourat 😊 alnilwaalfourat@gmail.com

المقر الرئيسي:ج.م.ع محافظة الشرقية – العاشر من رمضان – مجاورة 13 – امام سنتر الـ13 – عقار 304

ج.م.ع محافظة المنيا - أبو قرقاص - شرق الترعة خلف معطة السكة العديد - هاتف 086214428

ج.م.ع معافظة القليوبية - مركز طوخ - إمياي - هاتف 132424735



#### الإهـــداء

إلى أمي صاحبة الفضل على النيات الى أخواتي البنات سمية أختي الكبرى ومنى الأخت الصغرى الى روح والدي الذي كان يحفزني على حفظ كتاب الله والعبادة أحبكم جميعا من كل قلبى

الشاعرة جيهان عبد الرؤوف

# رؤية الناشر

من بعد تجربة (أنين الروح) تقدم الشاعرة جيهان عبد الرؤوف علوان تجربتها الثانية (جرة ألم) ليكون امتدادا لمأساة تعيشها وحدها وتكابد آلامها وجراحها في صمت ولا تملك إلا أن تُظهر الفرح والسرور لمن حولها وتقدم باقتها النرجسية لقرائها وقبل أن تقدم تجربتها الثالثة (رباعيات جيهان عبد الرؤوف) وتصب فلسفة وحكمة السنين ومكابدة الآلام والجراح في آن فهي تقف في منطقة وسطى بين عذابات الجرح وسياط الملح وتترجمه إلى قصائد ودفقات شعورية لا ينقصها قوة البناء معتمدة على الموسيقي الداخلية كأساس أول في البناء الدرامي للنص

كما تعتمد على التهكم أحيانا والسخرية – حتى من نفسها – دائما فى طرح إشكالياتها ، وقضاياها الإجتماعية ، والرومانسية ، والوطنية ، حتى خرجت لنا بديوان مكتمل ، وأهم مايميز الشاعرة جيهان عبد الرؤوف أنها تكتب نفسها غير متأثرة بفكر ما ، أو أسلوب ما ، فلها قاموسها الخاص وأبجديتها الملازمة لها دوما

#### ناجى عبد المنعم

رئيس مجلس إدارة دار النيل والفرات للنشر والتوزيع



# نزعة التنهيد

و دمع الضحكة بينقط و يتشتت في كل وريد يدوب الملح ما نحسه يغير نزعة التنهيد يبوش في الحيطان أكتر بدون مواعيد و شوکه .... في حلق روح روحك بتتقلب مع جروحك و مش قادرة تمد الإيد

سنين العمر بتعافر و عمري يا عمري ـ مش كافر يصرَّخ .... يطوي كل سكون من الظالم وم المظلوم مع ضي النجوم صاحي و يتبسم لأفراحي بقلب حبيس و متسلسل \_\_\_ و مستني ليوم العيد يا دقة زلزلت روحى و علت صوتها في جروحي و لسه التوهه مالكاني

جـرة ألــم

و لسه الدمعة عنواني يا آهة يااللى واخداني على سكه ما منها رجوع حلفت ما اتوب ... عن المحبوب ولو قالوا .. أعيد تاني ها اعيد تاني .. و أعيد تاني

### كف السنين

مشكلتي إني بحبك و بعاني كتير من حبك إسندني ف ضعفي وخدني لحضنك أو هوى حبك خبيني في حضن أشواقك کام مرہ .... كام مره جيتك و انا قلبي منك حزين كام مرة هديتك ضحكه و انا ليها أشد المحتاجين

غيابك لهيب و صمتك ألم نبشت جراحي في ظلم الزمن غرست فرحي ف عيون الأمل ردت جراحی ... آه يا زمن .... آه يا زمن أخدت بخاطر خيوط الفجر و تعبت .... تعبت أداري عيون الحزن

# رجفة القدر

و انا باتخطف ع الورق و شعوري لما جيت أنده عليك ... اتحرق فين القلم أكمل بيه جرح الزمن سفك الألم حبري شجن حطیت حلمي بين ضلوع الزمن

حرقتني رجفة القدر و انفصلت ملامحي ... بالسفر جوه حدود الأمل ف منحت روحي قرار إستحاله اعمل فرار

## أقولك إيه ؟!

عرفت إزاي أغنيلك و الحن كل مواويلك حلفت انا أيوه حلفت حلفت أزرع في خيرك و اروي الدنيا بمشاعري بدون أسباب كده وخلاص و أجمل شيء فيكى كرم أصلك و أقولك إيه

جـرة ألــم

يا عسوله ...

يا مسئوله ...

عن الماضي ... عن الحاضر

أنا غلطان

و ناوي أتوب

بأشعاري

و اقولك إيه

و انا الغايب بأحوالي

أنا راجع

و انا خایف

تبكيني ....

و مستني أنا حضنك

يدفيني

و اقولك إيه

تصحيني ... كما طفلك و كان نايم ما بين ضلع الزمن ... عاشق زهقت كلام على الفاضي مانیش ... قاضی و لا ناوي ... أكون ظالم لكني خلاص أخدت قرار أدوس ع الذل من يومي و اكون فارس من الأحرار

جـرة ألــم

#### حبك ضباب

باحكي ف حاجات و باقول آهات من عمر فات من عمر عمري ترمح في قلبي تحضن في حزني كتير ساعات و باقول لروحي حبك ضباب أصبح سراب تشهد علينا

دموع عنينيا و التنهيدات أنا حان رحيلي و ماعادش يفرق و لا ضحكه باهته تهديها ليا على قد حبي و نبض قلبي على قد شوقي و الأمسيات هجرت عيوني عنيك و قلبك و ليه بحبك و ف قلبي شايله

جـرة ألــم

لعنيك حنين و لكلمتين بيحاربوا فيا كلمة فراق و یا اشتیاق طول السنين دانا لسه شايفه الشوق متاح قصتنا ضي و العمر جي ما تعود يا خي ميل عليا ملیت جراح يمكن نعيد

كل اللي راح لكن يا روحي حبك مهازل !! و كيد عوازل طالع و نازل في الروح حاجات خريف حياتي نازف آهاتي حبك يا رميو كدبة حياتي هزل و دراما فى مسلسلات مش باقي مني على صغر سني

> \_\_\_\_ جــرة ألــم

إلا الثواني من فوق ثواني و البحر عامر بالدوامات الحب مات العمر فات و القلب يانا غرقان في كومه م الذكريات و انا تايهه مني و لأني تايهه أنا لسه برضه بالحكي ف حاجات

# السلام جاي

ليلة سوده وللا بيضه تفرق إيه ؟! إنغلاق وللا انفتاح طب يعني إيه ؟! والمشاغل في المشاكل عقل تایه جوه تیه كله في الزمن ده قافل وللا إيه ؟! الحمام رمز السلام والسلام جاى ع الدوام ف المحبه والموده

تفید بایه ؟!
دی نخله یابسه
ولسه واقفه
کده من زمان
عند الجیران
طب نعمل ایه ؟!
ولسانی محبوس
جوه کلمه
والکلمه واحده

دوم ع السلام يبقى قولوا معايا يالله تحيا مصر في سلام

#### أنا مسامحاك

حاولت اخفي جرحى وحزني في كل عيون محبيني كتبت سطور ما بين جرحي سعادة و نور علی جبینی تروح روحي لروح روحك و عمرك يوم ما بتجيني دا انا ملكك ...

و انا شكك ...

و انا دارك ...

و انا سرك ...

و انا العين اللي

بتشوف لك

و ساعة الشوق تخبيني

في افكارك

و اقولك إيه

انا مسمحاك

يا سارق قلبي و سنيني

# نزيف القلم

أوتار قلوبنا بتتحرق نازف قلمنا على الورق حتى الأنين ... مكبوت دفين بكره نقولها .. على الملأ آه يا بلد .. فيكي العجب مين اللي باع أو كان سبب نفس الحوار هو اللي دار مابين بلدنا

و بين ولادها الطيبين نفس الشهيد هو الشهيد بس الوشوش متبدله حزن و ألم مين اللي ظالم يابلد ؟! مين اتظلم ؟! كترت في روحي الأسئله و العقل مني بيتسرق و الآه بتجري ع السطور فوق الورق و ف كل شارع في الحواري من سنینی

## قهوة

تشرب قهوه ؟ أشرب شاي قهوه زياده لأ مش جاي شغل إيديه و فوق العاده لأ بزياده .. يا ستي زياده أنا عايز شاي ساده ياقلبي طب ساده إزاي و انا طالب شاي

شيلي عيونك عن مفتونك خبي السحر الساكن فيهم و ادي لقلبي طلبه ف حبي خلی هواکی یا سمرا هوای قهوه و شاي أرغول مع ناي و الموال على صوت متقال یانا یا هوایا و انت معایا نبني صروح و نكيد عزال طول ما إيديك بتنادي إيديا و طول ما عنيك بتقول ليلاى بس منايا أشوف فنجانك

و اقرا خطوطه و احضن بحر هواك و شطوطه و اطمن على نور دنياي لكن أعمل إيه في القهوه و انت مزاجك طالب شاي هاشرب و اقرا لنفسي و اقولك و اوعد قلبك من دلواقتى المرات الجايه هنبقي نعمل قهوة و نشرب شای

#### بنت عمری

بنت قلبي يا حبيبة غيبتي ياما كفاية غيبة عدى شهر اتنين تلاته ده طبيعي ؟! مش غريبة ؟! راجعه إمتى ؟ العمر عدى و انتي صاده وراده قلبي يدي قلبك من جنانه ياللي صورتك شاغله روحي

و ابتسامتك ساكنة نوحى الدموع ... عمالة تجري في الوريد من بدري بدري ياللي كلك ... ذوق وطيبه إنت مش ... آخر عجيبه اللي نصحك بري أمك بالمدافع ... طايحة فيا و اللي قال لك شايله همك

بالبساطه ... بتكرهيه

جـرة ألــم

أما انا ... و بحبی لیکی راضيه بالمقسوم و عايشه بس مش راضيه بقساوتك لسه في عيوني ملامحك لسه حافظالك غلاوتك الحنين في القلب ليكي و المشاعر بتناديكي لسه شايفه في ليلي ضيك لسه همسه في قلبي زيك باصحی دایما شامه ريحتك مهما كان أو مهما يحصل انت برضه بنت عمری

## شط هوایا

بكره جاي بألوانه دا عنوانی مالوش تانی كلامى ترجمته بدموعي و دموعي شوق الأشواقى سفينتى راسيه على مينتك و شط هوايا في مدينتك ركبت بشوقى فى سفينتك و انا على قلبي أمنتك و قلبى من سنا شوقك بيعزف لحن لحبيبتك

#### أمير الحكايه

ياأجمل ما شفت في حياتي اللي فاتت و أجمل ماشايفه في حياتي اللي جايه جمالك ف عينى بينطق و ساكت و طاير ف قلبي و روحي و عنيه رقيق المشاعر و شاعر حقيقي بترسم بإيدك

حياتي و طريقي يا صافي الضمير و أمير الحكاية على زهري تلقي رحيقي و نداي ياطارد آلامي و ماسح دموعي بااقيدلك ف قلبي خلاصة شموعي تنور حياتك فتحضن إيديه ياأجمل ما شفت و أجمل ما شايفه

جـرة ألــم

# قتلت قلبي

يا حزن راكب ع الحروف و ناطط لى فى كل المعانى قتلت قلبي أنين و خوف و قصدت ف الأيام مكاني أدتنى دمع كتير كتير خلتني ليه دربك أسير عشت لیه جوه ف کیانی كل السهاد ... كل السهر ... دمعي بيلمع في القمر

## جمر الهوى

الحب عنيد و انا أعمل إيه و العشق يزيد و يبان ف عنيه و انا قلبي احتار بین ضحکة و آه و القلب ف حبه يا عيني عليه على جمر الحب شهيد مغرور أدامه حبيب

عايش مقهور ما يبلش ريق و لا يفتي غريق طب إمتى ياليل راح يجي الدور البحر ضلام و الموج عالي و الآهه تعبر عن حالي كتر التنهيد بياخدني بعيد و البعد ف حلم بيحلالي

## باعشق موتي

جوه في عاطفة روحي الصافيه مستنيه اللمسه الدافيه ع القلب المقفول بجراحه و ماشى ف قلب الحيط بالعافيه كاتم رغبة نفسه ما نعها و نفسه بتتحدى ف أوجاعها تحكى حكاوي الليل الأسى بعد الليل ما تجنى و باعها و مهما تعيش ف جراحك خبى خلي عتابك جوه اعتابك لملم وجعى و داري ف حبى

لما بيقطع حبل سكوتي أرجع أعافر و احبس صوتي و احبس صوتي علشان ماانطقشي بكلمة تخونني و ارجع تاني و اعشق موتي عايزة أنهي حكاية حبي قبل ما يبدأ حبي أساسا يعني ح اقوله و اللا اخبي و اللا اهتف له بحبي حماسا

### حصار قلبي

من قلبي عشقتك و خلاص من حبك و لا ليا خلاص و لإنك راجل في غرامك الروح دايبالك إخلاص و منين ما تروح أنا جيالك و باقول عقبالي و عقبالك لو حبى مغير أحوالك بین لی أماره ف إحساس يا محاصر قلبي بأشواقه يا ملون للقلب طريقه مش قادر يحلم من غيرك و لا غيرك ع العين و الراس

# جرة ألم

و حكمت المحكمه ع المتهم قلبي وبحزن طاغى انما القلب بيخبي القاضى كان مضطرب ودع هنا جلسته و عيونى ماتبوحلوش عن كل شيء تعرفه بعد المداولة رجع قراني ظلم ووجع و الشاهد الولهان

عامل لي فيها جدع شهد شهادة زور و قال هواه مجبور وادي المحب الوفي عایش لی فیها بدور بانفض غبار الألم بارفض أنين الندم بامسح دموع قلبي و بافوق بجرة ألم القلب عدى بحور فجّر بشوقه السور والحزن ودعني مابقتش طير مكسور وملامحي جوه المدى

جـرة ألــم

صارت شروق وحضور و عندي سفينة للأحلام تشق بحبي اقوى ظلام و لو كان الغرام جامح انا غيط الهوا الطارح

# بواقي الجرح

لميت بواقي الجرح من فوق الضلوع جوایا جرح کبیر ومروى بالدموع و اللى انكتب جوايا حزن مالهوش رجوع على كل شكل و لون بيسقيني العذاب الحب غاب و القلب صار قبر ويباب بالرغم إنه ف مهده

ويا طول الغياب!! الذكرى تاهت في المكان وجناحي بيتوه في الزمان ياسن (ألمي) إللي انتشى فضك من الأحزان بقه ..!! و اسكن شواشى فرحتك واجعلها ليك عنوان دا الكل رايح في المدى ماهوش هايرجع بالأمان یا کل ملمح من ملامحی ـ فوق جبيني اتشكلت تمسح دموع بوح الأنين و النبض عاشق لهفتى دا انا مصلوب بالحروف

و حروفي زى المطرقه مغزوله أفكاري بهوى مشنوقه جوره المشنقه و بواقى صبرى في النفس بينى وبين قلبى الحروف متقسمه و انا عمري من طينة الحنين دایب من الشوق بَیْنَ بین مستنى شقشقة الشروق والفجر من شوق الأمين شقشق حنین و غرام هوی وأنا روحى من فرط الغرام خبيتها بالشوق في البطين

#### رزاز المستحيل

السيرك ليه جوه القلوب منصوب دوري ف الحياه بلياتشو و انا فيها صفر على الشمال حطيت غطا على سقف روحي من رزاز المستحيل غرقانه ف الأحزان أنا و شیطانی له مليون طريقة في الوصال آه .. لو يتوه

.. و هنا لو ثانیه و دقیقه تصحى الحقيقه ف غفله من ـ نبض الخيال تمسح دموع القسوة عن شكل الضلوع ملضوم یا عمری جوه دايرة مقلقه و الروح بتتقلب هنا في صوره مقلقه مين فينا راح یاخد قرار و البحر فاير من أساوته ف الصدور مین منا قلبه من السماح

جـرة ألــم

زادت غلاوته على الدهور مین راح پرسم لی فرحة كما ابتهاج لحن الزهور أنا هنت ليه ؟! مابقتش غالية و ليه بنغرق ف المصالح ـ و اللي حامي بيتنا سراق للهوى يا نبضتي محتاجة تعويذه يقين إرحم بقى خلي الفرح يرجع سعيد و يكون لمرسال الهوى عاشق أمين

### كتف السنين

على طرف فرحة معلقه وطفله عاشقه للربيع مااعرفش ليه أدخل ف حلمى أكلمك طب كنت فين واللا انت مين من غير سبب قلبي الحزين ليه هان عليك دانا طفله عاشقه للحياه

ليه كل يوم تحتار معاك روحي البريئه و ضحكه حلوه من عنيك و نبض قلبي اللي اتكسر و ضلوع ألم متنهده وروح اتشققت خطوط أحزان فى كل ركن من الأركان و تجاعید روح ساكنة قلب صابه الجنون و ما بين التوهه و التانيه بيتقلب على الجمبين

یا فرحة بلون الورد
علی الخدین
لیه دایما بتنسینی
فوق الضلوع
سهمین رصاص
و حروفی ...فوق کتف السنین

### رعشة إيد

انا عايشة ف دنيا الحب من غير لوعة وأحزان في هواك متهني القلب من عطف لشوق وحنان و انا عایشه ف فرح وعید وكأني بحب جديد الشوق بيشاكس قلبى مع نبض ف رعشة إيد إديني حنان من قلبك عيشني وعيش مع حبك انا عايشه حقيقى ف قربك

كل الأيام ألوان حبك غالبنى كلامك بيوصل يعلم ف روحي يهدهد مشاعري ويمسح جروحي يعدي الحدود والسدود اللي بيننا يرسم مشاعري و يرفع طموحي كلامك ساحرني و بحرك آسرني يا شاغل عيونى الجريئة وشاغلنى لفين واخد مشاعري الأبيه يا فاتن و غيه و حبك غالبنى

> \_\_\_\_ جــرة ألــم

### يا بلدي

نفسى يابلدي تشيلي همومى تمحى ف قلب سمايا غيومى تسمعي روحى لما تبوحلك و صراخ قلبي لما يروح لك لما انادیکی تجاوبی ندایا ماتسبنيش وتكوني معايا امشى ف سكه رجلك سابقه انتى الحب و حبك أبقى بامسح كل دموعي بلمسك بانسى آلامي واحضن شمسك أرضك أمى نيلك شهدي

بس بعین أحلامك شاهدي و اما تشوفي غریقك قومي ضمي عنیه وبوسي ایدیه

جـرة ألــم

## النغم نعسان

كل الحروف مالت وسط الكلام قالت باعته القدر صدفه و الغيبه ليه طالت مليت فراغ الشوق من غير كلام وعتاب هبت رياح عشقه زادت جراحي ءالام بين الجفون ضايع ياحلم لسه شباب جوه العيون شايل

الحب و الأحباب الموجه عاليه لفوق زودت ليه في الشوق لسه النغم نعسان و الزقزقة بتفوق على شجرة الايام كل الدموع سالت

## سوق النداله

ياعمري ماتزعلش سوق النداله شاع و الحر صار يتباع اللي افتكرته قريب جه ف لحظه وباع و اللي عملتلهم قيمه طلعوا للخسة جياع جایز لو عرفت انساهم يرجع لي حقي اللي ضاع قلت اودع روحي واجمد مشاعري

فغرقت ف المجهول و قلبى اللى كان لسه بخيره لبس الكفن ولا جاش ماكنت عشره على عشره دلوقتى بقيت ببلاش محتاجه یا ناس ضبط زوایا ياروح بتضيق ووريد يلعن دمه یا شریان صدیق ناقش بسمه على جنبه يا قلب بيعافر على جدار الزمن عاشق

جـرة ألــم

# قصة حياتي

عمري وحياتي مسرحيه المر فيها مش شويه حتى الطفوله ماشوفتهاش خليك معايا انت و هي

.....

طفلة زي زهور السوسن طول العمر بتشقى و تحزن ترعى اخواتها الأكبر منها و أب الغل معاه متمكن

کف بیحضن کف یا عین ضلمه حياتي وكل سنيني و أم شديده مفيش حنيه دستور ظالم يمشي عليا إكسر ضلع لبنتك يطلع الفين ضلع و تصبح أحسن كنا تلات زهرات إخوات بينهم راجل أخ ومجدع عمره مانخ كان الأب و كان الأخ كان النسمه ف عز الولعه كان بحنانه

جـرة ألــم

يشيل الدمعه كان مصباحنا وكان الشمعه عشنا حياتنا آلام و جراح خفنا نعيش حتى الأفراح عمر القلب ما يوم ارتاح فرض علينا و حاضر طیب عمرنا عدى بعید و قریب

حزن بيكبر

كل ما نكبر

حتى عشمنا في بكره

دا خيب

عند المفرق

كله اتفارق

مين في حياتنا

أصلا فارق

اللي اتجوز

واللي اتعنس

مین بحیاته راضي و قانع

كل ما تيجي يوم تتقدم

تلقى في وشك

مليون مانع

أب شديد

و الأم معاه

جـرة ألــم

شايفه قساوته مش مانعاه حتى الأخ برغم الطيبه بيسكت مليون حاجه أكيد حايشاه خايبه و صدقت الأوهام زيف في كلام مع زيف أحلام عمر ودانی ما سمعت زیه كنت اسمعه وأقول يا سلام كانت صدمه كبيره في عمري وعقلي كمان رافض يستوعب

قررت امشي بعید وانساهم یمکن اقدر انسی أساهم عشت سنین وسنین و یاهم و کل أمالي اللي بعیش بیها أنسی مراري مع ذکراهم

### لوحة الحياه

لوحة الحياه اتشكلت بوشوش بتتدارى ف وشوش و ف كل زاوية من الزوايا تبان ملامحها ... الأرق من فوق كتاف الصور اتسربت كل المشاعر ... للورق و اتشكلت في نن عين الصمت من غير تفصيلات مخلوطه بالشوق والحنين تطحن في قلب الروح مدامعنا الأرق

فتتوه أخيرا جوه دوامة الغرب أوجاعنا و الشوق يتحرق هوى المحبوب لما القلوب ابتدت توجد هوى المحبوب وتبان بكل الوضوح تلعب شمال و يمين مس الشروق الروح والجفن كان مقفول من غير كلام وملام لفينا ارواحنا بقلوب تدوب في قلوب و هربت م الغربه دایبه فی هوایا دوب

#### هزيل السحاب

بخ الشتا كل اللي باقي من الدفا فاختل في الشمس الشعاع و انساب هزیل زی السحاب و ف غفلة من ضى القمر احتل برد المستحيل كل الزمان و الأمكنه والأرض ماجت بالسواد قلبى الصغير ماحتملش المسأله فخطفت أشلاء الشعاع و شوية من بحر الدفا و اخترت زاویه م الزوايا الممكنه



وركنت ع الجدار و ايديه شابكه ف بعض وقريت فواتح سورة الإسراء فانهارت على عتبة شبابيكي الشيطان واختفي لفيت حبال الفرحه حوالين الكتاف متعلقه بين القلوب والأورده ولقيت دموعي اتسرسبت من بین جفونی و کفنت كل اللي فات من الذكريات والأرض حواليه ابتدت ترمى الدفا على قرص شمس ألمستحيل والقلب بالنشوة ارتوى

#### الضمير مات

يا مقهورين .... شدوا الحبال ع الضمير اللي مات واشنقوه بين الضلوع بكفايه ... عمر ضايع على بخت مايل على حزن ماهوش راضى يصالح في افراحي وحالف ليخنق في انفاسي اللي صارت من الماضي

وبيقولولى إيه.... خلاص لازم اتعود ع الأحزان مقسوم ياقلبي بین حروف ماشية وسط الروح وقلب م الاحزان ... صدى وازاى انام وإنا خايفة من بكره اصحى ... ألاقى نفسى في السكه واشوف روحى وهى بتودع الضحكه واصرخ اخبطع البيبان تجلجل في المدى دموعي وطعم الحزن في عيوني و برغم الكسر جوايا

جـرة ألــم

أعافر أحاول انسي كل أحزائي م الآخر ما انا نفسى أعيش مش أكتر ليه تملي معايا جارح ؟! وأقولك إيه وأنا شايفه إني عندك مجرد ضيف طب بس قولي آخرتها إيه وياك دا انا صابني منك صداع نصفي وألم نفسي ومرض جسدى وأقولك إيه وفر هواك

هو أنا بهواك راح اطيب دا جرح الهوى مالوهش طبيب واللى غدر بيا أعز حبيب خلاص .... بطلت أصدق أي كلام سيبونى عايشه في الأوهام دا قلبي اللي انكسر شق السحاب نزلت دموع المطر حفرت قلب الحجر فقررت ..... ألملم أحلامي جوه شنطة سفر

## الحروف شابت

قطيعة رحم وبطون مليانه تخمه ضهر انكسر و حمول تهد جبال روح عطشانه للخير وجرح سنين ساكن قلب سجين مسلوب الإراده و الفرحه و انا العليل على بابك باشحت لقمتي وراضي أشرب المر لجل انسى

طعم الهم في حروفي واشرب كاس الصبر من دمعي و اخرس .... في دنيا الظلم و انا باسافر في الشعر وحروفي ريح بتمر والعدل ضعيف عيونه معصوبه قدام الظلم و انا اللي حروفي شابت في أحزاني دا انا الميت وأنا حي بين أحبابي

### رصيف العمر

واقعد على رصيف العمر بعيد عن الخلق تايه في شوارع روحي م التعب باحاول أزيل الهم استنى كالمعتاد حظي يمر مع بقايا حروف العمر أكلم نفسي وألطم كموج الظلم بنبضي العنيد أفرق ملح فوق جرحى

أبص لحبات السكات و هي بتدوب في الوقت بملامحي الخجلانه ووشوشة نفسي التعبان و هو بيغرق في الحزن و اتوه مع ذكرياتي واتوغل جوه روحى أرشف رشفه م الوقت يمكن أنسى مرارة القلب واتوه في دهاليز روحي فارجع أقول ياريتنى ما افتكرت

#### الرتوش

وشلت الهم طول عمري صنعت الحزن من دمي ونقشت الصبر على ضلعى دبحت أيامي وسنين عمري وخاصمت معاه شهور فرحي شكيت الظلم لطول صمتي لا الفرح راضي يصالحني ولا الموت عايز ينصفني والروح صارت خايفه ياااه ع الرتوش فوق الوشوش الكل واقف يسلخني

## سحابة شوق

كان لما يحمى الشوق أخاف واهرب بعيد واركن جنون اللهفه في شقوق الضلوع و ف لمحه من لمح البصر يظهر وميض سن القدر وتهب نسمه من الجنوب فيتوه سحاب الود فى وجيب القلوب

وبدون م افكر في القدر رقصت شجونى فوق جدار الدمع ميت رقصه والروح بتغرق في البحور فخطفتها من لهفتى ومليت دوايتي من دموعي نقطه نقطه مليت بإحساسى القلم وف لحظ شق الصمت كل الأمكنه وصحيت من الحلم الجميل و انا وانا شايله قلبي بين كفوفي

علشان أوضيه ..... بالهديل

## قلب میت

تعاتبني ليه والحزن مصلوب جوه عمرى جوه ضلع م الضلوع والدموع رافضة تسيبني منه لسه .. إزاي أفوق ؟! ماهوش صعب ومستحيل و إيه ذنب الحب يهرب و يموت القلب بدري مالیش ذکری حلوه ملفوفه بفرحة وردي

عمری مش قابل خلاص و انا منك و لا ليا خلاص إيه أخرتها معاك غرك ليه هواك والعشره اللي بيننا إيه جرالك ياعمري ليه تزود حزنى هو انت تقدر تمحى حبك من زمانى ولا حتى يوم حاتقدر تبعدنى تانى عينيك داانت ليا كل الأماني بس فجأه وبسرعة ليه بعدت عن قلبي و قسيت عليه فيه صراع جوايا منك عقلى

رافض فكري ليه باانعي الدم أبات حزين واصبح مستعد للأحزان وابتسم للخلق واكتم الأحزان تبعني اشتريك يا أقرب الناس ليا في الدم مخدوع ياقلبي باانعي الدم وصفعات السنين مرسومه في خدي ورضينا بالحزن والحزن مابيرضي اطويني صفحه

## محتجالك

مهما قالوا تائي عنك إنت قاسي ليه عليا أنا عايشه ليك ليك رساله باعتها قلبي ليه فايتها رغم حبى وانك انت اللي ابتديت قلبی قرر لیه ینادیك ليه ملامحك ليا جارحه من زمان مستنياك واهمه إنك فيا هايم مش بلومك

مابقتش فارقه ليه معاك إنى أموت أو حتى أعيش بدي أنده بعلو صمتي آه بحبك ... ماتسبنیش .. بسرعه خربش وسط قلبك تلقى روحي ساكنه عندك إوعى يوم تطويني صفحه إبني ليا عش هادي بين ضلوعك وانسى ناسك

خلي حزنك بره قلبك

جــرة ألــم

وانت ساكن جوه حضني كل شبر مابين ضلوعي بيناديلك بيقى فرحك

## دموع الروح

يا أيها الصدر اخضع دقات قلبي تقرع ووقت القلب يزمجر الأمل في ارواحنا يدمع ووقت دموع الروح تدق يسلب منا كل حق تسلب منا الراحة .. الأمان حتى الكرامة تسلب فيا طغاة الظلم استعمروني وسلبوني

كل حقوقي
فباسم السلام نباع
لتجار البشر
تجار السلاح
و يا عصبة الأمم
أين حقي
في تقرير مصيري
هل يعقل ....
ان أشطب من تاريخ الأرض ؟

ف معتب من درین اورس فمهما استعمرت او سلبت لن تقدروا علی ان تسلبوا روحی من الوجود

# لون الألم

في المبتدى كان ليا صاحب إسمه العذاب مركون لي على رف ضلعي اللي انكسر بكتر الحمول وكأني .... مصلوب في المدى وصوت صمتي في كتاب العمر

إقرأ ...

راجع ...

شوف جرح عمري

اللي علم

بين الضلوع

نازف .. آهة وانين

أناي

أنا بنت دمعه

ودمعتي مسروقة

من فوق جبين

الوقت المسافر

يا سحر قلبي اللي اندفن

بالذكريات المؤلمة

شيلاها في كام شنطة

يا كل حرف من حروفي يا كل بصمة في كفوفي يا صمتي المعلم بلون الألم في زهرة شبابي وكان اللقا صدفة في شيبتي اللي بانت وهبته حياتي بکل آهاتی و كان البشارة لفرحة فؤادي حررني بجيوشه من قيود دمعي وخدني معاه

لطريق الأمان لبيت نداه وكان العشق من حظي وغرقت معاه في بحور فرحي حسيت شعوره بيغزلي مع شوقه حب عمري سألت وش الحرف اللي انجرح في ذكرياتي وانا إيه فاضلي وكان جوابه دا اللي في ربوع الروح ساكن

## لحن حبي

أنا وانت روح واحده اتخلقنا لبعضينا من حبي ليك واختياري ابتدينا نعشق سوا خط واحد من غير حدود بدايته انت ونهايتة حبي

اللي امتزج بين قلبك وقلبى في الزمن المستحيل من ضحكة صادقة في الوش الحزين من غير رتوش منحتني .... الحب الجميل فاتزلزلت ... كل الدروب في الزمن العليل شديت خيوط الفجر دست على كل السواد طل النهار

فرحان سعيد سقط الندى فوق عيون النعسانين رقصت .... ودعت كل احزاني واشتريت لك كلمة حلوة تهت بيها في قلب دقة جوه روحك

## الشاعرة في سطور



جيهان عبد الرؤوف علوان

شاعرة عامية

#### صدر لها :

أنين الروح ( أشعار بالعامية المصرية ) عن دار النيل والفرات للنشر والتوزيع – طبعة أولى 2017

جرة ألم ( أشعار بالعامية المصرية ) عن دار النيل والفرات للنشر والتوزيع - طبعة أولى 2018

#### تحت الطبع:

رباعيات جيهان عبد الرؤوف



# محتوى الكتاب

2	 بطافه الكتاب
3	 الإهداء
4	 رؤية الناشر
5	 نزعة التنهيد
12	
15	
20	
22	,
24	
26	
29	
32	
33	
35	 قتلت قلبي
36	
38	
40	_
41	
44	
47	-

جــرة ألـــم

( أشعار )

50	 كتف السنين
53	 رعشة إيد
55	 یابلدی
57	
59	 سوق الندالة
51	 قصة حياتي
<b>57</b>	 لوحة الحياة
59	 هزيل السحاب
71	
<b>7</b> 5	 الحروف شابت
77	 رصيف العمر
79	 الرتوش
30	 سحابة شوق
32	 قلب میت
35	 محتاجالك
38	 دموع الروح
90	
94	
97	 الشاعرة في سطور
98	 محتوى الكتاب